



Ráitis Airgeadais
An tÚdarás Rialála Seirbhísí Maoine
Don bhliain dar críoch an 31 Nollaig 2018



AN tÚDARÁS RIALÁLA SEIRBHÍSÍ MAOINE

CLÁR ÁBHAR

LEATHANACH

Faisnéis Ghinearálta	3
Ráiteas Rialachais agus Tuarascáil Chomhaltaí an Údaráis	4 - 8
Ráiteas faoi Rialú Inmheánach	9 - 12
Tuarascáil an Iniúcháir	13 - 14
Ráiteas faoi Ioncam agus Caiteachas agus Cúlchistí Coinnithe Ioncaim	15
Ráiteas faoin Staid Airgeadais	16
Ráiteas faoi Shreabhadh Airgid	17
Nótaí leis na Ráitis Airgeadais	18 - 24



AN tÚDARÁS RIALÁLA SEIRBHÍSÍ MAOINE

FAISNÉIS GHINEARÁLTA

Ceannoifig	An tÚdarás Rialála Seirbhísí Maoine Foirgnimh na Mainistreach Bóthar na Mainistreach An Uaimh Co. na Mí C15 K7PY
Comhaltaí an Údaráis	Geraldine Clarke (Cathaoirleach) Paul Mooney Edward Carey Martin Hanratty Patrick Davitt Josephine Henry Deirdre Fox Regina Terry Muiris Ó Céidigh Aideen Hayden Hilary Griffey
Feidhmeannach Sinsearach:	Maeve Hogan (Príomhoifigeach Feidhmiúcháin)
Uimhir Theileafóin:	1890 252 712 (046) 903 3800
Uimhir Facs:	(046) 903 3888
Suíomh Gréasáin:	www.psr.ie
R-phost:	info@psr.ie
Iniúcháirí:	Oifig an Ard-Reachtair Cuntas agus Ciste 3A Sráid an Mhéara Uachtarach Baile Átha Cliath D01 PF72



AN tÚDARÁS RIALÁLA SEIRBHÍSÍ MAOINE

RÁITEAS RIALACHAIS AGUS TUARASCÁIL CHOMHALTAÍ AN tÚDARÁIS

Rialachas

Bunaíodh an tÚdarás Rialála Seirbhísí Maoine faoin Acht um Sheirbhísí Maoine (Rialáil), 2011. Tá feidhmeanna an Údaráis leagtha amach i gCuid 2, alt 10, den Acht seo. Tá an tÚdarás cuntasach don Aire Dlí agus Cirt agus Comhionannais agus tá sé freagrach as dea-rialachas a chinntiú. Comhlíonann sé an cúram sin trí chuspóirí agus spriocanna straitéiseacha a leagan síos agus trí chinntí straitéiseacha a dhéanamh ar gach saincheist thábhachtach ghnó. Is ar an bPríomhoifigeach Feidhmiúcháin agus ar an bhfoireann ardbhainistíochta atá an fhreagracht as an Údarás Rialála Seirbhísí Maoine a bhainistiú, a rialú agus a threorú ar bhonn laethúil. Ní mór don Phríomhoifigeach Feidhmiúcháin agus don fhoireann ardbhainistíochta cloí leis an treo straitéiseach a leagann an tÚdarás síos agus ní mór dóibh a chinntiú go bhfuil tuiscint shoiléir ag gach comhalta den Údarás ar na príomhghníomhaíochtaí agus na príomhchinntí a bhaineann leis an eintiteas agus ar aon rioscaí suntasacha ar dóigh dóibh teacht chun cinn. Gníomhaíonn an Príomhoifigeach Feidhmiúcháin mar idirghabhálaí díreach idir an tÚdarás agus lucht bainistíochta an Údaráis Rialála Seirbhísí Maoine.

Freagrachtaí an Údaráis

Tá an obair a dhéanann an tÚdarás agus na freagrachtaí atá air leagtha amach san Acht um Sheirbhísí Maoine (Rialáil), 2011, áit a bhfuil na hábhair atá forchoimeáda go sonrach dá gcinneadh ag an Údarás leagtha amach freisin. Áirítear iad seo a leanas leis na buanmhíreanna a bhreithníonn an tÚdarás:

- dearbhú leasanna,
- tuarascálacha ó na coistí,
- tuarascálacha airgeadais/cuntais bhainistíochta,
- tuarascálacha feidhmíochta (Ráitis Straitéise),
- An Clár Riosca,
- Staitisticí.

Ceanglaítear le halt 22.2 den Acht um Sheirbhísí Maoine (Rialáil), 2011, ar an Údarás Rialála Seirbhísí Maoine na cuntais go léir is cuí agus is gnách ar an airgead ar fad a fhaigheann sé agus a chaitheann sé a choimeád i cibé foirm a cheadóidh an tAire Dlí agus Cirt agus Comhionannais le toiliú an Aire Caiteachais Phoiblí agus Athchóirithe.

Agus na ráitis airgeadais seo á n-ullmhú aige, ní mór don Údarás:

- beartais oiriúnacha chuntasaíochta a roghnú agus iad a chur i bhfeidhm go comhsheasmhach,
- breithiúnais agus meastacháin atá réasúnta agus stuama a dhéanamh,
- na ráitis airgeadais a ullmhú ar bhonn an ghnóthais leantaigh ach amháin i gcás go bhfuil sé míchuí talamh slán a dhéanamh de go leanfaidh sé ag feidhmiú, agus
- a lua cé acu a leanadh nó nár leanadh caighdeáin chuntasaíochta is infheidhme, faoi réir aon imeachtaí ábhartha atá mínithe agus nochtá sna ráitis airgeadais.

Tá an tÚdarás freagrach as taifid chuí chuntasaíochta a choinneáil, ina gcuirtear a staid airgeadais in iúl le cruinneas réasúnta ag am ar bith agus lena gcuirtear ar a chumas a chinntiú go gcloíonn na ráitis airgeadais le halt 22.2 den Acht um Sheirbhísí Maoine (Rialáil), 2011. Is é an tÚdarás atá freagrach as cothabháil agus iomláine na faisnéise corparáidí agus airgeadais atá ar fáil ar shuíomh Gréasáin an Údaráis Rialála Seirbhísí Maoine.

Tá an tÚdarás freagrach as an bplean agus an buiséad bliantúil a cheadú. An 7 Márta 2018, rinneadh meastóireacht ar fheidhmíocht an Údaráis Rialála Seirbhísí Maoine i gcomparáid leis an bplean bliantúil agus leis an mbuiséad bliantúil.



AN tÚDARÁS RIALÁLA SEIRBHÍSÍ MAOINE

RÁITEAS RIALACHAIS AGUS TUARASCÁIL CHOMHALTAÍ AN ÚDARÁIS

Tá an tÚdarás freagrach freisin as a shócmhainní a chosaint agus, dá bhrí sin, as bearta réasúnta a dhéanamh chun calaois agus mírialtachtaí eile a chosc agus a aimsiú.

Measann an tÚdarás go dtugtar léiriú cuí i ráitis airgeadais an Údaráis Rialála Seirbhísí Maoine ar fheidhmíocht airgeadais agus staid airgeadais an Údaráis Rialála Seirbhísí Maoine ag an 31 Nollaig 2018.

Struchtúr an Údaráis

Cuimsíonn an tÚdarás Cathaoirleach agus deichniúr gnáthchomhaltaí, a gceapann an tAire Dlí agus Cirt agus Comhionannais gach duine díobh. Ceapadh comhaltaí an Údaráis ar feadh tréimhse ceithre bliana agus tháinig siad le chéile cúig huaire sa bhliain 2018. Sa tábla thíos, tugtar mionsonraí faoin tréimhse ceapacháin do na comhaltaí reatha:

Comhalta den Údarás	Ról	Dáta an Cheapacháin
Geraldine Clarke	Cathaoirleach	28/11/2016
Edward Carey	Comhalta	28/11/2016
Patrick Davitt	Comhalta	03/04/2015
Deirdre Fox	Comhalta	03/04/2015
Martin Hanratty	Comhalta	03/04/2015
Josephine Henry	Comhalta	03/04/2015
Paul Mooney	Comhalta	28/11/2016
Regina Terry	Comhalta	03/04/2015
Hilary Griffey	Comhalta	28/11/2016
Aideen Hayden	Comhalta	28/11/2016
Muiris Ó Céidigh	Comhalta	28/11/2016

Rinne an Foras Riaracháin athbhreithniú seachtrach ar an Údarás sa bhliain 2018.

Bhunaigh an tÚdarás dhá choiste, is iad sin:

1. An Coiste Iniúcháireachta agus Riosca: a chuimsíonn beirt chomhaltaí den Údarás agus beirt chomhaltaí neamhspleácha. Is é ról an Choiste Iniúcháireachta agus Riosca tacú leis an Údarás maidir leis na freagrachtaí atá air i ndáil le riosca, le rialú agus rialachas agus le dearbhú gaolmhar. Tá an Coiste Iniúcháireachta agus Riosca neamhspleách ar lucht bainistíochta airgeadais na heagraíochta. Go háirithe, cinntíonn an Coiste go ndéantar faireachán gníomhach neamhspleách ar na córais rialaithe inmheánaigh, lena n-áirítear gníomhaíochtaí iniúcháireachta. Tuairiscíonn an Coiste Iniúcháireachta agus Riosca don Údarás tar éis gach cruinnithe.

Is iad seo comhaltaí an Choiste Iniúcháireachta agus Riosca: Deirdre Fox (Cathaoirleach), Muiris Ó Céidigh, Theresa Carolan (neamhspleách) agus Myles O'Reilly (neamhspleách). Bhí 5 chruinniú ag an gCoiste Iniúcháireachta agus Riosca sa bhliain 2018.



AN tÚDARÁS RIALÁLA SEIRBHÍSÍ MAOINE

RÁITEAS RIALACHAIS AGUS TUARASCÁIL CHOMHALTAÍ AN ÚDARÁIS

2. Coiste Comhairleach an Chiste Cúitimh: a chuimsíonn triúr comhaltaí den Údarás.

Is iad seo a leanas comhaltaí Choiste an Chiste Cúitimh: An Dr Aideen Hayden, an Dr Muiris Ó Céidigh agus Hilary Griffey. Bhí 5 chruinniú ag Coiste an Chiste Cúitimh sa bhliain 2018.

Sceideal Freastail, Táillí agus Speansas

Tá sceideal freastail ar chruinnithe an Údaráis agus an Choiste sa bhliain 2018 leagtha amach thíos, lena n-áirítear na táillí agus na speansais a fuair gach comhalta den Údarás:

	An tÚdarás	Coiste an Chiste Cúitimh	An Coiste Iniúchóireachta agus Riosca	Táillí 2018 €	Speansais 2018 €
	5	5	5		
	5				-
Geraldine Clarke				8,978	
Paul Mooney	4			5,985	-
Patrick Davitt	3			5,985	-
Edward Carey	5			5,985	-
Josephine Henry ¹	-			5,985	-
Deirdre Fox	4		5	5,985	-
Hilary Griffey	5	4		5,985	217
Aideen Hayden	5	5		5,985	-
Martin Hanratty	5			-	-
Regina Terry	4			-	-
Muiris Ó Céidigh	4	5	3	-	-
				50,873	217²

Ní bhfuair triúr comhaltaí den Údarás táillí Údaráis faoin bprionsabal ‘Duine Amháin, Tuarastal Amháin’. Ba iad sin: Martin Hanratty, Regina Terry agus Muiris Ó Céidigh.

Tháinig córam den Údarás le chéile trí huair sa bhreis sa bhliain 2018 i dtaca le cás lenar bhain breithniú a dhéanamh ar mhór-smachtbhanna a fhorchur ar cheadúnaí agus chun teacht ar bhreith ina leith. Ar na comhaltaí den údarás a bhí i láthair bhí: Muiris Ó Céidigh, Martin Hanratty, Hilary Griffey, Deirdre Fox agus Paul Mooney.

¹ Bhí Josephine Henry Uasal as láthair ar saoire don bhliain 2018.

² Féach nóta 5



AN tÚDARÁS RIALÁLA SEIRBHÍSÍ MAOINE

RÁITEAS RIALACHAIS AGUS TUARASCÁIL CHOMHALTAÍ AN ÚDARÁIS

Athruithe Príomhphearsanra

Ní raibh aon athruithe príomhphearsanra ann sa bhliain 2018.

An Nochtadh a Cheanglaítear leis an gCód Cleachtais do Rialachas Comhlachtaí Stáit (2016)

Tá an tÚdarás freagrach as a chinntiú go gcomhlíonann an tÚdarás Rialála Seirbhísí Maoine ceanglais an Chóid Chleachtais do Rialachas Comhlachtaí Stáit (“an Cód”) arna fhoilsiú ag an Roinn Caiteachais Phoiblí agus Athchóirithe i mí Lúnasa 2016. Ceanglaítear an nochtadh seo a leanas leis an gCód:

Miondealú ar shochair ghearrthéarmacha fostaithe

Tá tábla ina léirítear miondealú ar shochair ghearrthéarmacha fostaithe ar áireamh i Nóta 4 (b) – Miondealú ar shochair fostaithe.

Costais Chomhairleachta

Áirítear le costais chomhairleachta an costas ar chomhairle sheachtrach a chur ar an lucht bainistíochta. Ní áirítear leo an costas ar fheidhmeanna seachfhoinsithe ‘gnáthghnó’.

	2018	2017
	€	€
Comhairle dlí	22,919	44,714
Caidreamh poiblí/margaíocht	-	17,649
Iomlán	22,919	62,363

Costais Dlí agus Socraíochtaí

Sa tábla thíos, tugtar miondealú ar shuimeanna a aithnítear mar chaiteachas sa tréimhse tuairiscithe i dtaca le costais dlí, le socraíochtaí agus le himeachtaí réitigh agus eadrána a bhaineann le conarthaí le tríú páirtithe. Ní áirítear leis caiteachas a tabhaíodh ar an gcomhairle dlí ghinearálta a fuair an tÚdarás Rialála Seirbhísí Maoine. Tá an caiteachas sin ar áireamh sna costais Chomhairleachta thuas.

	2018	2017
	€	€
Táillí dlí – imeachtaí dlí	141,828	56,619
Iomlán	141,828	56,619



AN tÚDARÁS RIALÁLA SEIRBHÍSÍ MAOINE

RÁITEAS RIALACHAIS AGUS TUARASCÁIL CHOMHALTAÍ AN ÚDARÁIS

Caiteachas Taistil agus Cothaithe

Catagóirítear caiteachas taistil agus cothaithe mar a leanas:

	2018	2017
	€	€
Taisteal intíre		
- Comhaltaí an Údaráis	217	-
- Fostaithe	33,917	20,258
Iomlán	34,134	20,258

Caiteachas Fáilteachais

Tá an caiteachas fáilteachais seo a leanas ar áireamh sa Chuntas Ioncaim agus Caiteachais:

	2018	2017
	€	€
Fáilteachas foirne	314	353
Iomlán	314	353

Ráiteas faoi Chomhlíonadh

Ghlac an tÚdarás an Cód Cleachtais do Rialachas Comhlachtaí Stáit (2016) agus chuir sé nósanna imeachta i bhfeidhm chun comhlíonadh an Chóid a chinntiú. Chomhlíon an tÚdarás Rialála Seirbhísí Maoine an Cód Cleachtais do Rialachas Comhlachtaí Stáit go hiomlán sa bhliain 2018.

Thar ceann an Údaráis Rialála Seirbhísí Maoine

Maeve Hogan Uasal, Príomhoifigeach Feidhmiúcháin:

Dáta:

11/9/19

Geraldine Clarke Uasal, Cathaoirleach:

Dáta:

11/9/19



AN tÚDARÁS RIALÁLA SEIRBHÍSÍ MAOINE

RÁITEAS FAOI RIALÚ INMHEÁNACH

Raon Freagrachta

Thar ceann an Údaráis Rialála Seirbhísí Maoine, aithním an fhreagracht atá ar an Údarás as a chinntiú go ndéantar córas éifeachtach rialaithe inmheánaigh a chothabháil agus a fheidhmiú san Údarás. Agus an fhreagracht sin á comhlíonadh againn, tugtar aird ar cheanglais an Chóid Chleachtais do Rialachas Comhlachtaí Stáit (2016).

Cuspóir an Ráitis faoi Rialú Inmheánach

Tá an córas rialaithe inmheánaigh deartha chun riosca a choinneáil ar leibhéal inghlactha, seachas deireadh a chur leis. Dá bhrí sin, ní fhéadann an córas ach dearbhú réasúnta agus ní dearbhú iomlán a chur ar fáil go gcosnaítear sócmhainní, go n-údaráítear idirbhearta agus go dtaifeadtar iad go cuí agus go gcoisctear earráidí ábhartha agus mírialtachtaí nó go mbraitear iad ar bhealach tráthúil.

Bhí córas rialaithe inmheánaigh, atá ag teacht leis an treoir arna heisiúint ag an Roinn Caiteachais Phoiblí agus Athchóirithe, i bhfeidhm san Údarás Rialála Seirbhísí Maoine don bhliain dar críoch an 31 Nollaig 2018 agus suas go dtí an dáta a ceadaíodh na ráitis airgeadais.

Na Rialuithe Inmheánacha atá i bhFeidhm

Is deimhin leis an Údarás go bhfuil na córais atá i bhfeidhm ag an Údarás réasúnta agus oiriúnach do chúinsí an Údaráis, agus aird á tabhairt ar a mhéid, ar a leibhéal caiteachais, ar a acmhainní foirne agus ar chineál a oibríochtaí. Ní thugann na córais dearbhú iomlán, agus ní féidir leis na córais dearbhú iomlán a thabhairt, nach ndéanfar earráidí ábhartha, áfach.

Ghlac an tÚdarás Rialála Seirbhísí Maoine an Cód Cleachtais do Rialachas Comhlachtaí Stáit arna eisiúint ag an Roinn Caiteachais Phoiblí agus Athchóirithe sa bhliain 2016.

Cumas le Riosca a Láimhseáil

Tá Coiste Iniúchóireachta agus Riosca ag an Údarás Rialála Seirbhísí Maoine, rud a chuimsíonn beirt chomhaltaí den Údarás agus beirt chomhaltaí seachtracha. Is deimhin liom, mar Chathaoirleach ar an Údarás, gur chuir an Coiste a ról i gcrích go héifeachtach sa bhliain 2018, agus cúig chruinniú á dtionól aige lena linn.

Rinne an tÚdarás an beartas bainistíochta riosca a athbhreithniú agus a chomhaontú, rud ina leagtar amach an fonn riosca atá air agus na próisis bhainistíochta riosca atá i bhfeidhm aige.

Is é Aonad Iniúchóireachta Inmheánaí na Roinne Dlí agus Cirt agus Comhionannais, faoi mhaoirseacht Choiste Iniúchóireachta Vóta 24 (Dlí agus Ceart agus Comhionannas), a chomhlíonann feidhm Iniúchóireachta Inmheánaí an Údaráis Rialála Seirbhísí Maoine. Is é ról Aonad Iniúchóireachta Inmheánaí na Roinne dearbhú neamhspleách a thabhairt don Oifigeach Cuntasaíochta ar a éifeachtaí atá na rialuithe inmheánacha atá i bhfeidhm ar fud an Vóta.

Déanann Aonad Iniúchóireachta Inmheánaí na Roinne iniúchtaí ar rialuithe airgeadais agus ar rialuithe eile san Údarás agus cuireann sé clár iniúchtaí i gcrích gach bliain.



AN tÚDARÁS RIALÁLA SEIRBHÍSÍ MAOINE

RÁITEAS FAOI RIALÚ INMHEÁNACH

An Creat Riosca agus Rialaithe

Chuir an tÚdarás Rialála Seirbhísí Maoine córas bainistíochta riosca chun feidhme, rud lena sainathnítear agus lena dtuairiscítear na príomhrioscaí atá ann agus na gníomhartha bainistíochta atá á ndéanamh chun dul i ngleic leis na rioscaí sin agus, a mhéid is féidir é, chun na rioscaí sin a mhaolú.

Tá clár rioscaí i bhfeidhm ina leagtar amach na príomhrioscaí atá roimh an Údarás. Rinneadh na rioscaí sin a shainathint, a mheas agus a ghrádú bunaithe ar a shuntasáí atá siad. Bíonn an clár á athbhreithniú agus á athrú chun dáta ag an gCoiste Iniúchóireachta agus Riosca, i gcomhairle leis an Lucht Ardbhainistíochta. Úsáidtear an toradh ar an obair sin chun acmhainní a phleanáil agus a leithdháileadh agus chun a chinntiú go gcoinnítear rioscaí ar leibhéal inghlactha.

Mionsonraítear sa chlár rioscaí na rialuithe agus na gníomhartha a theastaíonn chun maolú a dhéanamh ar rioscaí agus ar an bhfreagracht a leagtar ar bhaill foirne shonracha as rialuithe a oibriú. Deimhníonn an tÚdarás go bhfuil timpeallacht rialaithe i bhfeidhm a bhfuil na gnéithe seo a leanas mar chuid di:

- taifeadadh nósanna imeachta le haghaidh gach príomhphróisis ghnó,
- sannadh freagrachtaí airgeadais ar leibhéal bainistíochta, agus cuntasacht chomhfhreagrach ag gabháil leo,
- tá córas buiséadaithe cuí i bhfeidhm, rud lena ngabhann buiséad bliantúil a choinnítear faoi athbhreithniú ag an lucht ardbhainistíochta,
- tá córais i bhfeidhm a bhfuil mar aidhm leo slándáil na gcóras teicneolaíochta faisnéise agus cumarsáide a chinntiú. Is í an Rannóg TFC sa Roinn Dlí agus Cirt agus Comhionannais a sholáthraíonn seirbhísí TFC don Údarás Rialála Seirbhísí Maoine. Chuir sí ráiteas dearbhaithe ar fáil ina leagtar amach na próisis rialaithe a bhí i bhfeidhm sa bhliain 2018. Cuireann An Post córas iarratais cheadúnais ar líne ar fáil trí Licences.ie thar ceann an Údaráis Rialála Seirbhísí Maoine. Sa bhliain 2018, fuarthas doiciméad dearbhaithe ó An Post maidir le slándáil agus rialuithe an chórais atá i bhfeidhm.
- tá córais i bhfeidhm chun sócmhainní an Údaráis Rialála Seirbhísí Maoine a chosaint, agus
- tá nósanna imeachta rialaithe i bhfeidhm le haghaidh measúnú agus le haghaidh íocaíochtaí a dhéanamh ón gciste cúitimh.



AN tÚDARÁS RIALÁLA SEIRBHÍSÍ MAOINE

RÁITEAS FAOI RIALÚ INMHEÁNACH

Faireachán agus Athbhreithniú Leanúnach

Tá Doiciméad Rialaithe Inmheánaigh i bhfeidhm ag an Údarás Rialála Seirbhísí Maoine, rud ina sainaitnítear na rioscaí atá os comhair an Údaráis, na rialuithe atá i bhfeidhm agus na nósanna imeachta tuairiscithe agus faireacháin a leanantar.

Déanann an tÚdarás na mórchinntí straitéiseacha agus tagann sé le chéile ag eatraimh rialta chun faireachán a dhéanamh ar fheidhmíocht agus ar phleananna. Ní ghníomhaíonn an lucht bainistíochta feidhmiúcháin ach laistigh den údarás a tharmligeann an tÚdarás chuige le haghaidh éifeacht a thabhairt do bheartais agus do chinntí an Údaráis.

Rinneadh lámhleabhar mionsonraithe nós imeachta a chur le chéile agus a chur i bhfeidhm. Nuair is féidir, déantar dualgais foirne a dheighilt go cuí agus cur san áireamh á dhéanamh ar na rioscaí lena mbaineann agus ar an líon teoranta foirne.

Deimhním go bhfuil na córais faireacháin leanúnaigh seo a leanas i bhfeidhm:

- Sainaitníodh príomhrioscaí agus príomhrialuithe agus cuireadh próisis i bhfeidhm chun faireachán a dhéanamh ar oibriú na bpríomhrialuithe sin agus chun aon easnaimh a thuairisciú,
- Tá nósanna imeachta foirmiúla i bhfeidhm maidir le gach cineál earra agus seirbhíse a cheannach, maidir le sonraisc a cheadú i ndáil le hearraí agus le seirbhísí agus maidir le híocaíocht a údarú i ndáil le hearraí agus le seirbhísí. Neartaíodh nósanna imeachta ina leith sin le linn na bliana trí mholtaí a tháinig as an tuarascáil iniúchóireachta inmheánaí a chur chun feidhme.
- Déanann an Príomhoifigeach Feidhmiúcháin athbhreithnithe rialta ar thuarascálacha tréimhsiúla agus bliantúla feidhmíochta agus airgeadais ina gcuirtear an fheidhmíocht iarbhrí i gcomparáid leis an mbuiséad nó leis an bhfeidhmíocht thuartha.
- Tá nósanna imeachta an Údaráis maidir le rialú airgeadais agus rialuithe eile faoi réir athbhreithniú bliantúil ag an Aonad Iniúchóireachta Inmheánaí sa Roinn Dlí agus Cirt agus Comhionannais. Déanann Coiste Iniúchóireachta na Roinne Dlí agus Cirt agus Comhionannais athbhreithniú ar obair an Aonaid Iniúchóireachta Inmheánaí.
- Bunaíodh socrúithe tuairiscithe ar gach leibhéal mar ar sannadh freagracht as bainistíocht airgeadais.

Dearbhuithe

Teicneolaíochtaí Faisnéise agus Cumarsáide

Baineann an tÚdarás Rialála Seirbhísí Maoine leas as an tseirbhís chomhroinnte tacaíochta TFC ón Roinn Dlí agus Cirt agus Comhionannais. Tá Comhaontú Seirbhíse ar bun idir an tÚdarás agus an Roinn i dtaca leis an tseirbhís TFC agus tá socrúithe i bhfeidhm chun córais an Údaráis a chúltaic. Cuireadh athbhreithniú neamhspleách ar an tseirbhís i gcrích sa bhliain 2018. Tá na moltaí a fuarthas á bplé ag an Údarás Rialála Seirbhísí Maoine faoi láthair. I mí Aibreáin 2018, chuir an tAonad TF sa Roinn doiciméad dearbhaithe ar fáil maidir leis na rialuithe a bhí i bhfeidhm ag an am sin.

Cuireann An Post córas iarratais cheadúnais ar líne ar fáil trí Licences.ie thar ceann an Údaráis Rialála Seirbhísí Maoine. Cuireadh go mór lena éifeachtaí atá an próiseas athnuachana ceadúnais a bhuí leis an gcóras ar líne sin agus tá sé beartaithe tuilleadh forbairtí a dhéanamh air. I mí na Nollag 2017, fuarthas doiciméad dearbhaithe ó An Post maidir le slándáil agus rialuithe an chórais a bhí i bhfeidhm le linn na bliana 2017. Cuireadh comhaontú seirbhíse le An Post i bhfeidhm sa bhliain 2018.



AN tÚDARÁS RIALÁLA SEIRBHÍSÍ MAOINE

RÁITEAS FAOI RIALÚ INMHEÁNACH

Seirbhísí Comhroinnte Airgeadais

Baineann an tÚdarás Rialála Seirbhísí Maoine leas as seirbhísí comhroinnte airgeadais ón Roinn Dlí agus Cirt agus Comhionannais. Fuarthas litir dearbhaithe ón Roinn Dlí agus Cirt agus Comhionannais maidir le rialuithe sa soláthar seirbhísí comhroinnte.

Baineann an tÚdarás Rialála Seirbhísí Maoine leas as seirbhísí comhroinnte ón Ionad Seirbhísí Comhroinnte Párolla faoin Roinn Caiteachais Phoiblí agus Athchóirithe freisin. Tá an tseirbhís sin cumhdaithe faoi Chomhaontú Seirbhíse atá ar bun idir an tIonad agus an Roinn.

Soláthar

Deimhním go bhfuil nósanna imeachta i bhfeidhm ag an Údarás Rialála Seirbhísí Maoine chun a chinntiú go gcomhlíontar na rialacha agus na treoirínte reatha maidir le soláthar agus gur chomhlíon an tÚdarás Rialála Seirbhísí Maoine na nósanna imeachta sin sa bhliain 2018.

Athbhreithniú ar Éifeachtacht

Deimhním go bhfuil nósanna imeachta i bhfeidhm ag an Údarás Rialála Seirbhísí Maoine chun faireachán a dhéanamh ar éifeachtacht a nósanna imeachta bainistíochta riosca agus rialaithe. Obair na n-íniúcháirí inmheánacha agus seachtracha, an Coiste Iniúcháireachta agus Riosca a dhéanann formhaoirseacht ar a gcuid oibre, agus an lucht ardbhainistíochta laistigh den Údarás Rialála Seirbhísí Maoine atá freagrach as an gcreat rialaithe inmheánaigh airgeadais a fhorbairt agus a chothabháil, déanann siad eolas d'fhaireachán agus athbhreithniú an Údaráis Rialála Seirbhísí Maoine ar éifeachtacht an chórais rialaithe inmheánaigh airgeadais.

Deimhním gur thug an tÚdarás faoi athbhreithniú bliantúil ar éifeachtacht na rialuithe inmheánacha don bhliain 2018. Is deimhin leis an Údarás, a mhéid is féidir, gur córais éifeachtacha iad na córais rialaithe inmheánaigh airgeadais a bunaíodh agus a cuireadh chun feidhme san Údarás Rialála Seirbhísí Maoine don bhliain airgeadais dar críoch an 31 Nollaig 2018.

Saincheisteanna Rialaithe Inmheánaigh

Nochtadh Sonraí faoi Chásanna ina raibh Sáruithe Rialaithe ann.

Níor sainaithníodh i rialuithe inmheánacha i dtaca leis an mbliain 2018 aon laigí is gá a nochtadh sna ráitis airgeadais.

Nochtadh Sonraí faoi Chailleanais Ábhartha nó faoi Chalaois

Níl aon ábhair chalaioise le tuairisciú don bhliain 2018.

Geraldine Clarke
Cathaoirleach



AN tÚDARÁS RIALÁLA SEIRBHÍSÍ MAOINE

DEIMHNIÚ AN ARD-REACHTAIRE CUNTAS AGUS CISTE

Tuarascáil lena cur faoi bhráid Thithe an Oireachtais

An tÚdarás Rialála Seirbhísí Maoine

Tuairim ar na ráitis airgeadais

Tá iniúchadh déanta agam ar ráitis airgeadais an Údaráis Rialála Seirbhísí Maoine don bhliain dar críoch an 31 Nollaig 2018 mar a cheanglaítear faoi fhorálacha alt 22 den Acht um Sheirbhísí Maoine (Rialáil), 2011. Tá na ráitis airgeadais comhdhéanta díobh seo:

- an ráiteas faoi ioncam agus caiteachas agus cúlchistí coinnithe ioncaim
- an ráiteas faoin staid airgeadais
- an ráiteas faoi shreabhadh airgid agus
- na nótaí gaolmhara, lena n-áirítear achoimre ar bheartais shuntasacha chuntasaíochta.

I mo thuairim,

- tugtar léiriú cuí sna ráitis airgeadais ar airgead a fuair agus a chaith an tÚdarás Rialála Seirbhísí Maoine don bhliain 2018 agus
- tá an staid airgeadais ag an 31 Nollaig 2018 ag teacht leis na beartais chuntasaíochta atá leagtha amach sna ráitis airgeadais.

Bunús na tuairime

Rinne mé m'iniúchadh ar na ráitis airgeadais de réir na gCaighdeán Idirnáisiúnta um Iniúchóireacht arna bhfógairt ag Eagraíocht Idirnáisiúnta na nUasfhoras Iniúchóireachta. Tá cur síos déanta san aguisín a ghabhann leis an tuarascáil seo ar na freagrachtaí atá orm faoi na caighdeáin sin. Táim neamhspleách ar an Údarás Rialála Seirbhísí Maoine agus chomhlíon mé na freagrachtaí eiteiciúla eile atá orm de réir na gcaighdeán.

Creidim gur leor agus cuí an fhianaise iniúchta a fuair mé chun bonn a thabhairt do mo thuairim.

Tuarascáil ar fhaisnéis seachas na ráitis airgeadais agus ar ábhair eile

Chuir an tÚdarás Rialála Seirbhísí Maoine faisnéis áirithe eile i láthair i dteannta na ráiteas airgeadais. Cuimsíonn an fhaisnéis sin an ráiteas rialachais agus an ráiteas faoi rialú inmheánach. Tá cur síos déanta san aguisín a ghabhann leis an tuarascáil seo ar na freagrachtaí atá orm tuairisc a thabhairt ar fhaisnéis den sórt sin agus ar ábhair áirithe eile ar a dtuairiscim trí eisceacht.

Níl aon rud le tuairisciú agam ina leith sin.

Seamus McCarthy
An tArd-Reachtair Cuntas agus Ciste

27 Meán Fómhair 2019



Aguisín leis an tuarascáil

Freagrachtaí an Údaráis

Leagtar freagrachtaí chomhaltaí an Údaráis amach sa ráiteas rialachais agus i dtuarascáil chomhaltaí an Údaráis. Tá comhaltaí an Údaráis freagrach as

- na ráitis airgeadais a ullmhú san fhoirm a fhorordaítear faoi alt 22 den Acht um Sheirbhísí Maoine (Rialáil), 2011
- a chinntiú go dtugtar léiriú cuí sna ráitis airgeadais ar airgead a fuarthas agus a caitheadh don bhliain 2018 agus ar a staid airgeadais ag an 31 Nollaig 2018 de réir na mbeartas cuntasaiochta atá leagtha amach sna ráitis airgeadais
- a mheas cé acu is cuí nó nach cuí bunús gnóthais leantaigh na cuntasaiochta a úsáid, agus
- an rialú inmheánach sin a mheasann siad a bheith riachtanach chun ráitis airgeadais a ullmhú atá saor ó mhíríteas ábhartha, bíodh calaois nó earráid mar chúis leis.

Freagrachtaí an Ard-Reachtair Cuntas agus Ciste

Ceanglaítear orm faoi alt 22 den Acht ráitis airgeadais an Údaráis Rialála Seirbhísí Maoine a iniúchadh agus tuairisciú orthu do Thithe an Oireachtais.

Tá sé mar chuspóir agam agus an t-iniúchadh á dhéanamh agam dearbhú réasúnach a fháil ar cé acu atá nó nach bhfuil na ráitis airgeadais ina n-iomláine saor ó mhíríteas ábhartha, bíodh calaois nó earráid mar chúis leis. Is ionann dearbhú réasúnta agus leibhéal ard dearbhaithe. Mar sin féin, ní deimhniú é gur i ngach cás ina bhfuil sé ann a aimseofar míráiteas ábhartha le linn iniúchadh a dhéantar de réir na gCaighdeán Idirnáisiúnta um Iniúchóireacht. Is féidir le míráitis teacht as calaois nó earráid agus meastar iad a bheith ábhartha más amhlaidh ina n-aonar nó mar chomhiomlán go bhféadfaí a bheith ag súil go réasúnach go rachadh siad i bhfeidhm ar chinntí eacnamaíochta a dhéanann úsáideoirí ar bhonn na ráiteas airgeadais sin.

Mar chuid d'iniúchadh a dhéantar de réir na gCaighdeán Idirnáisiúnta um Iniúchóireacht, úsáidim breithiúnas gairmiúil agus coinnim sceipteachas gairmiúil ar bun ar fud an iniúchta. Le linn déanamh amhlaidh,

- Déanaim sainaithint agus measúnú ar na rioscaí a bhaineann le míráiteas ábhartha sna ráitis airgeadais de bharr calaoise nó earráide; ceapaim nósanna imeachta iniúchóireachta atá freagrúil do na rioscaí sin agus cuirim i bhfeidhm iad; agus faighim fianaise iniúchta is leor agus is cuí chun bonn a thabhairt do mo thuairim. Is airde an baol nach mbraithfí míráiteas ábhartha de bharr calaoise ná de bharr earráide, toisc go bhféadfadh claonpháirteachas, brionnú, easnamh d'aon ghnó, mífhaisnéis nó sárú ar an rialú inmheánach a bheith i gceist le calaois.
- Gnóthaím tuiscint ar an rialú inmheánach a bhaineann leis an iniúchadh chun nósanna imeachta iniúchóireachta a cheapadh atá cuí sna cúinsí, seachas chun tuairim a chur in iúl ar a éifeachtaí atá na rialuithe inmheánacha.
- Déanaim meastóireacht ar a chúil atá na beartais chuntasaiochta a úsáideadh agus ar a réasúnaí atá na meastacháin chuntasaiochta agus an nochtadh gaolmhar.
- Déanaim cinneadh ar a chúil atá sé bunús gnóthais leantaigh na cuntasaiochta a úsáid agus, bunaithe ar an bhfianaise iniúchta a fuarthas, déanaim cinneadh ar cé acu is ann nó nach ann d'éiginnteacht ábhartha a bhaineann le heachtraí nó dálaí a d'fhéadfadh amhras suntasach a chaitheamh ar an gcumas atá ag an Údarás Rialála Seirbhísí Maoine leanúint de bheith ag feidhmiú mar ghnóthas leantach. Má chinnim gurb ann d'éiginnteacht ábhartha, ceanglaítear orm aird a tharraingt i mo thuarascáil ar an nochtadh gaolmhar sna ráitis airgeadais nó, i gcás nach leor an nochtadh sin, ceanglaítear orm mo thuairim a athrú. Tá mo chinntí bunaithe ar an bhfianaise iniúchta a fuarthas suas go dáta mo thuarascála. Mar sin féin, d'fhéadfadh eachtraí nó dálaí amach anseo a chur faoi deara go scoirfeadh an tÚdarás Rialála Seirbhísí Maoine de bheith ag feidhmiú mar ghnóthas leantach.
- Déanaim meastóireacht ar chur i láthair, struchtúr agus ábhar foriomlán na ráiteas airgeadais, lena n-áirítear an nochtadh, agus ar cé acu a chuirtear nó nach gcuirtear na hidirbhearta agus na heachtraí bunúsacha i láthair ar bhealach cóirsna ráitis airgeadais.

Téim i dteagmháil leo sin a bhfuil freagrachtaí rialachais orthu as raon feidhme agus uainiú beartaithe an iniúchta agus as fionnachtana suntasacha iniúchta, lena n-áirítear aon easnamh shuntasacha ar an rialú inmheánach a shainaithním le linn m'iniúchta, i measc ábhair eile.

Faisnéis seachas na ráitis airgeadais

Ní chumhdaíonn mo thuairim ar na ráitis airgeadais an fhaisnéis eile atá curtha i láthair sna ráitis airgeadais sin, agus ní chuirim aon chinneadh dearbhaithe in iúl ina leith.

I dtaca le m'iniúchadh ar na ráitis airgeadais, ceanglaítear orm faoi na Caighdeán Idirnáisiúnta um Iniúchóireacht an fhaisnéis eile a chuirtear i láthair a léamh agus, le linn déanamh amhlaidh, a bhreithniú cé acu is amhlaidh nó nach amhlaidh go bhfuil an fhaisnéis eile neamh-chomhsheasmhach go hábhartha leis na ráitis airgeadais nó le heolas a gnóthaíodh le linn an iniúchta nó go bhfuil an chuma uirthi ar shlí eile go ndearnadh míráiteas ábhartha ina leith. Más amhlaidh, bunaithe ar an obair a rinne mé, go gcinnim go ndearnadh míráiteas ábhartha ar an bhfaisnéis eile sin, ceanglaítear orm an fóras sin a thuairisciú.

Tuairisciú ar ábhair eile

Déantar m'iniúchadh trí thagairt do na cúinsí speisialta a bhaineann le comhlachtaí Stáit maidir lena mbainistíú agus lena n-oibriú. Tuairiscím i gcás go sainaithním ábhair ábhartha a bhaineann leis an dóigh ar cuireadh gnó poiblí i gcrích.

Féachaim le linn an iniúchta le fianaise a fháil ar rialacht na n-idirbheart airgeadais. Tuairiscím i gcás go sainaithním aon chásanna ábhartha nár caitheadh airgead poiblí do na críocha a bhí beartaithe iontu nó nach ndearnadh na hidirbhearta de réir na n-údarás a bhí á rialú iontu.

Tuairiscím trí eisceacht freisin sa chás gurb amhlaidh, i mo thuairimse,

- nach bhfuair mé an fhaisnéis agus na mínithe ar fad a theastaigh uaim do m'iniúchadh, nó
- nár leor na taifid chuntasaiochta chun mé a chumasú iniúchadh réidh cuí a dhéanamh ar na ráitis airgeadais, nó
- nach bhfuil na ráitis airgeadais ag teacht leis na taifid chuntasaiochta



AN tÚDARÁS RIALÁLA SEIRBHÍSÍ MAOINE

RÁITEAS FAOI IONCAM AGUS CAITEACHAS AGUS CÚLCHISTÍ COINNITHE
IONCAIM DON BHLIAIN DAR CRÍOCH AN 31 NOLLAIG 2018

Ioncam	Nótaí	2018 €	2017 €
Deontas ón Oireachtas	2	1,976,921	1,869,904
Acmhainní Dílse	3	2,306,882	2,280,348
Ioncam Iomlán		4,283,803	4,150,252
Caiteachas			
Costais foirne	4	1,326,129	1,000,466
Riarachán, Oibríochtaí agus Cur Chun Cinn	5	676,116	938,880
Táille Iniúchóireachta		11,500	12,000
Dímheas	6	56,021	50,782
Caiteachas Iomlán		2,069,766	2,002,128
Barrachas don bhliain roimh leithreasuithe		2,214,037	2,148,124
Aistriú ón gCuntas Caipitil	7	56,021	50,782
Arna íoc leis an Roinn Dlí agus Cirt agus Comhionannais		(2,250,000)	(2,250,000)
Barrachas/ (Easnamh) don bhliain tar éis Leithreasuithe		20,058	(51,094)
Barrachas a tugadh ar aghaidh ag an 1 Eanáir		74,351	125,445
Barrachas a tugadh ar aghaidh ag an 31 Nollaig		94,409	74,351

Áirítear leis an Ráiteas faoi Ioncam agus Caiteachas agus Cúlchistí Coinnithe Ioncaim na gnóthachain agus na cailleanais uile a aithníodh sa bhliain. Tá an Ráiteas faoi Shreabhadh Airgid agus nótaí 1 go 15 mar chuid dhílis de na ráitis airgeadais seo.

Thar ceann an Údaráis Rialála Seirbhísí Maoine

Maeve Hogan Uasal, Príomhoifigeach Feidhmiúcháin:

Dáta: 11/9/19

Geraldine Clarke Uasal, Cathaoirleach:

Dáta: 11/9/19



AN tÚDARÁS RIALÁLA SEIRBHÍSÍ MAOINE

**RÁITEAS FAOIN STAID AIRGEADAIS
AMHAIL AN 31 NOLLAIG 2018**

	Nótaí	2018 €	2017 €
Sócmhainní Seasta			
Réadmhaoin, Gléasra agus Trealamh	6	232,616	233,348
Sócmhainní Reatha			
Airgead agus Coibhéisí Airgid		112,285	89,952
Fardal	8	16,172	20,149
Suimeanna infhaighte agus réamhíocaíochtaí	9	30,646	27,613
		159,103	137,714
Dlíteanais reatha			
Suimeanna iníoctha agus fabhruithe	10	64,694	63,363
Glansócmhainní Reatha		94,409	74,351
Iomlán na nGlansócmhainní		327,025	307,699
Ionadaithe ag			
Cuntas Caipitil	7	232,616	233,348
Cúlchistí coinnithe ioncaim		94,409	74,351
		327,025	307,699

Tá an Ráiteas faoi Shreabhadh Airgid agus nótaí 1 go 15 mar chuid dhílis de na ráitis airgeadais seo.

Thar ceann an Údaráis Rialála Seirbhísí Maoine

Maeve Hogan Uasal, Príomhoifigeach Feidhmiúcháin:

Dáta:

11/9/19

Geraldine Clarke Uasal, Cathaoirleach:

Dáta:

11/9/19



AN tÚDARÁS RIALÁLA SEIRBHÍSÍ MAOINE

RÁITEAS FAOI SHREABHADH AIRGID
DON BHLIAIN DAR CRÍOCH AN 31 NOLLAIG 2018

Glansreabhadh Airgid ó Ghníomhaíochtaí Oibriúcháin	2018	2017
	€	€
Barrachas/ (easnamh) oibriúcháin don bhliain	20,058	(51,094)
Dímheas réadmhaoine, gléasra agus trealamh	56,021	50,782
Glanaistriú (ón)/chuig an gcuntas caipitil	(732)	31,480
Laghdú/ (Méadú) ar fhardal	3,977	(5,322)
(Méadú)/ Laghdú ar shuimeanna infhaighte agus réamhíocaíochtaí	(3,033)	34,305
Méadú ar shuimeanna iníoctha trádála agus fabhruithe	1,331	18,866
	<hr/>	<hr/>
Glan-insreabhadh airgid ó Ghníomhaíochtaí Oibriúcháin	77,622	79,017
Sreabhabh Airgid ó ghníomhaíochtaí infheistíochta		
Íocaíochtaí chun réadmhaoine, gléasra agus trealamh a cheannach	(55,289)	(82,262)
	<hr/>	<hr/>
Méadú/ (Laghdú) ar Airgead agus ar Choibhéisí Airgid	22,333	(3,245)

Ráiteas faoi athruithe i nglanchistí

Glanchistí ag an 1 Eanáir 2018	89,952	93,197
Glanchistí ag an 31 Nollaig 2018	112,285	89,952
Glanbharrachas/ (Glaneasnamh) in airgead agus i gcoibhéisí airgid	22,333	(3,245)

Tá nótaí 1 go 15 mar chuid dhílis de na ráitis airgeadais seo.

Thar ceann an Údaráis Rialála Seirbhísí Maoine

Maeve Hogan Uasal, Príomhoifigeach Feidhmiúcháin:

Dáta:

11/9/19

Geraldine Clarke Uasal, Cathaoirleach:

Dáta:

11/9/19



AN tÚDARÁS RIALÁLA SEIRBHÍSÍ MAOINE

NÓTAÍ LEIS NA RÁITIS AIRGEADAIS DON BHLIAIN DAR CRÍOCH AN 31 NOLLAIG 2018

1. Beartais Chuntasaíochta

a) Tá an bunús cuntasaíochta agus na beartais shuntasacha cuntasaíochta ar ghlac an tÚdarás Rialála Seirbhísí Maoine iad leagtha amach thíos. Cuireadh i bhfeidhm go comhsheasmhach iad go léir ar fud na bliana agus don bhliain roimhe.

b) Faisnéis Ghinearálta

Bunaíodh an tÚdarás Rialála Seirbhísí Maoine faoin Acht um Sheirbhísí Maoine (Rialáil), 2011, agus tá a cheannoifig lonnaithe ag Foirgnimh na Mainistreach, Bóthar na Mainistreach, an Uaimh, Co. na Mí, C15 K7PY. Is mar a leanas atá príomhchuspóirí an Údaráis Rialála Seirbhísí Maoine, mar atá leagtha amach in alt 11 den Acht um Sheirbhísí Maoine (Rialáil), 2011:

- Ceadúnais a eisiúint agus a athnuachan;
- An Clár Ceadúnaithe a bhunú agus a chothabháil;
- Ceanglais cháilíochta agus ceanglais eile a shonrú agus a fhorfheidhmiú;
- Caighdeáin a shonrú agus a fhorfheidhmiú, lena n-áirítear caighdeáin theicniúla agus caighdeáin chúí eiticiúla;
- An Ciste a bhunú, a chothabháil agus a riar;
- Córas um cheadúnaithe a imscrúdú a bhunú agus a riar;
- Mion-smachtbhannaí nó mór-smachtbhannaí a fhorchur ar cheadúnaithe;
- Iarratas a dhéanamh chun na hArd-Chúirte chun forchur mór-smachtbhannaí ar cheadúnaithe a dhaingniú;
- Feasacht an phobail a chur chun cinn agus faisnéis a scaipeadh ar an bpobal i ndáil le seirbhísí maoine;
- Spreagadh chun Cóid Chleachtas a fhorbairt agus a ghlacadh;
- An tAire a choimeád ar an eolas faoi fhorbairtí i leith seirbhísí maoine a sholáthar ag ceadúnaithe agus cuidiú leis an Aire chun beartas a chomhordú agus a fhorbairt ina leith sin;
- Sonraí maidir le praghsanna díolta maoine cónaithe a chothabháil agus a fhoilsiú;
- An Bunachar Sonraí Léasanna Tráchtála a bhunú agus a chothabháil; agus
- Aon fheidhmeanna eile a thugtar dó le haon fhoráil eile den Acht nó aon achtachán eile nó le rialacháin arna ndéanamh faoin Acht nó aon achtachán eile a chomhlíonadh.

Is Eintiteas Leasa Phoiblí é an tÚdarás Rialála Seirbhísí Maoine.

Ceanglaítear ar an Údarás le halt 77(1) den Acht ciste ar a dtabharfar an Ciste Cúitimh um Sheirbhísí Maoine a bhunú, a riar agus a choimeád. Déantar cuntais an Chiste a ullmhú agus a iniúchadh ar leithligh de réir Sceideal 6 leis an Acht.

c) Bunús cuntasaíochta

Ullmhaíodh ráitis airgeadais an Údaráis Rialála Seirbhísí Maoine don bhliain dar críoch an 31 Nollaig 2018 de réir na mbeartas cuntasaíochta atá leagtha amach thíos agus san fhoirm arna ceadú ag an Aire Dlí agus Cirt agus Comhionannais le toiliú an Aire Caiteachais Phoiblí agus Athchóirithe.



AN tÚDARÁS RIALÁLA SEIRBHÍSÍ MAOINE

NÓTAÍ LEIS NA RÁITIS AIRGEADAIS DON BHLIAIN DAR CRÍOCH AN 31 NOLLAIG 2018

d) **Ioncam**

Is ionann an t-ioncam a aithnítear sna ráitis airgeadais faoin deontas ón Oireachtas agus an cistiú a tugadh don Údarás trí Vóta na Roinne Dlí agus Cirt agus Comhionannais, a dhéanann gach íocaíocht thar ceann an Údaráis. An t-ioncam ón deontas ón Oireachtas agus an t-ioncam a úsáideadh ar chaiteachas caipitil, is ionann iad agus an tsuim a muirearaíodh chuig Cuntas Leithreasa na Roinne.

Aithnítear ioncam táillí ceadúnas nuair a fhaightear iarratas ar cheadúnas. Déantar ioncam táillí ceadúnas a íoc leis an Roinn Dlí agus Cirt agus Comhionannais ar bhonn ráithiúil. Déantar é a thaifeadh mar leithreasaí i gcabhair i gcuntais na Roinne. Coimeádann an tÚdarás iarmhéid ina chuntais le haghaidh táillí a aisíoc.

e) **Caiteachas**

Próiseálann an Roinn Caiteachais Phoiblí agus Athchóirithe an caiteachas ar fad, párolla san áireamh, agus taifeadtar an caiteachas ar fad ar bhonn fabhraithe sna ráitis airgeadais.

Tá gach ball d'fhoireann an Údaráis ar iasacht ón Roinn Dlí agus Cirt agus Comhionannais. Íocfar dliteanais phinsin na mball foirne sin as Vóta 12 - Aoisliúntas agus ní dhearnadh soláthar ar bith sna ráitis airgeadais seo maidir leis na costais sin.

f) **Réadmhaoin, Gléasra agus Trealamh**

Déantar réadmhaoin, gléasra agus trealamh a dhímheas de réir méid cothrom thar a saolré úsáideach mheasta dar tosach an mhí ina gcuirtear an tsócmhainn lena mbaineann i seirbhís.

Troscán	Méid Cothrom 10%
Crua-earraí agus Bogearraí TF	Méid Cothrom 20%
Trealamh Oifige	Méid Cothrom 20%

g) **Cuntas Caipitil**

Léirítear sa chuntas caipitil luach neamhamúchta an ioncaim a cuireadh i bhfeidhm chun críche caiteachas caipitil.

h) **Sochair Fostaithe**

Sochair Ghearrthéarmacha

Aithnítear sochair ghearrthéarmacha amhail pá saoire mar chostas sa bhliain agus cuirtear sochair atá fabhraithe ag deireadh na bliana ar áireamh sna figiúirí caiteachais sa Ráiteas faoin Staid Airgeadais.



AN tÚDARÁS RIALÁLA SEIRBHÍSÍ MAOINE
NÓTAÍ LEIS NA RÁITIS AIRGEADAIS
DON BHLIAIN DAR CRÍOCH AN 31 NOLLAIG 2018

h) Sochair Fostaithe (ar lean)

Sochair Scoir

Tá fostaithe an Údaráis Rialála Seirbhísí Maoine ina státseirbhísigh agus is baill iad de scéim sochair shainithe atá neamhchistithe agus a riarann an Roinn Caiteachais Phoiblí agus Athchóirithe í.

Tháinig an tAcht um Pinsin na Seirbhíse Poiblí (Scéim Aonair agus Forálacha Eile), 2012, isteach sa dlí an 28 Iúil 2012 agus, leis sin, tugadh isteach an Scéim Pinsean Seirbhíse Poiblí Aonair nua ('an Scéim Aonair'), a tháinig in éifeacht ón 1 Eanáir 2013. Na baill foirne nua go léir a thagann isteach san Údarás Rialála Seirbhísí Maoine an 1 Eanáir 2013 nó ina dhiaidh, agus atá ina n-iontrálaithe san Earnáil Phoiblí, is baill iad den Scéim Aonair.

Níl aon mhuirear ann sna ráitis airgeadais seo as aon dliteanais a d'fhéadfadh teacht chun cinn i leith shochair scoir an Údaráis Rialála Seirbhísí Maoine.

2 Deontas ón Oireachtas	2018	2017
	€	€
Fo-mhírcheann A11 de Vóta 24 – Dlí agus Ceart agus Comhionannas	1,976,921	1,869,904

De bhreis ar an Deontas ón Oireachtas, cuireadh €55,289 ar fáil don Údarás chun críocha caiteachas caipitil ar cheadúnú ar líne a chur chun feidhme.

3 Acmhainní Dílse

	2018	2017
	€	€
Ioncam táillí ceadúnas arna fháil	2,363,585	2,354,003
Lúide aisíocaíochtaí	<u>(61,703)</u>	(73,655)
Ioncam Ilghnéitheach	5,000	-
Ioncam iomlán	<u>2,306,882</u>	<u>2,280,348</u>

Ní mór do cheantálaithe, do ghníomhairí eastáit, do ghníomhairí ligin agus do ghníomhairí bainistíochta maoine a bheith ceadúnaithe agus rialáilte ag an Údarás. Íoctar táillí ceadúnas ar bhonn bliantúil. I bhfeidhmiú na gcumhachtaí a tugadh dó le halt 95 den Acht um Sheirbhísí Maoine (Rialáil) 2011 le toiliú an Aire Dlí agus Cirt agus Comhionannais, rinne an tÚdarás rialacháin a tháinig i bhfeidhm an 30 Bealtaine 2012. Sna Rialacháin fán Acht um Sheirbhísí Maoine (Rialáil) (Ceadúnú), 2011, 2012, leagtar amach an táille atá le gearradh as ceadúnas a eisiúint nó a athnuachan: fostóir seirbhísí maoine - €1,000, conraitheoir neamhspleách - €1,000, agus príomhoifigeach nó fostaí - €100.



AN tÚDARÁS RIALÁLA SEIRBHÍSÍ MAOINE
NÓTAÍ LEIS NA RÁITIS AIRGEADAIS
DON BHLIAIN DAR CRÍOCH AN 31 NOLLAIG 2018

4. Tuarastail

(a) Sochair Chomhiomlána Fostaithe

	2018	2017
	€	€
Pá agus tuarastail	1,291,995	980,208
Taisteal agus cothú	34,134	20,258
Iomlán	1,326,129	1,000,466

Ag an 31 Nollaig 2018, d'fhostaigh an tÚdarás 26.9 ball foirne coibhéise lánaimseartha (2017: 21.8) agus seisear ball foirne sealadach (2017: 8).

Ní raibh aon ró-íocaíochtaí tuarastail ann ag an 31 Nollaig 2018 ná ag an 31 Nollaig 2017.

(b) Miondealú ar Shochair Fostaithe

Raon na Sochar Fostaithe Iomlán		Líon Fostaithe	
Ó	Go dtí	2018	2017
€60,000	€69,999	1	-
€70,000	€79,999	1	1
€80,000	€89,999	-	1
€90,000	€99,999	1	-

Tabhair faoi deara: Chun críocha an noichta seo, áirítear iad seo a leanas le sochair ghearrthéarmacha fostaithe a íocadh i leith seirbhísí a soláthraíodh le linn na tréimhse tuairiscithe: tuarastail; liúntais ragoibre; agus íocaíochtaí eile a rinneadh thar ceann an fhostaí. Ní áirítear ÁSPC ón bhfostóir leo, áfach.

(c) Luach Saothair an Phríomhoifigigh Feidhmiúcháin

B'ionann luach saothair an Phríomhoifigigh Feidhmiúcháin don bhliain dar críoch an 31 Nollaig 2018 agus €94,705 (€85,677 sa bhliain 2017). Rinneadh íocaíochtaí Taistil agus Cothaithe a bhí cothrom le €7,681 (€4,660 sa bhliain 2017) leis an bPríomhoifigeach Feidhmiúcháin, i gcomhréir le rátaí Státseirbhíse.

Ní théann teidlíochtaí pinsin an Phríomhoifigigh Feidhmiúcháin thar na teidlíochtaí caighdeánacha i scéim aoisliúntais sochair shainithe na hearnála poiblí. Ní dhearnadh íocaíochtaí feidhmíochta ar bith leis an bPríomhoifigeach Feidhmiúcháin sa bhliain 2018.



AN tÚDARÁS RIALÁLA SEIRBHÍSÍ MAOINE

NÓTAÍ LEIS NA RÁITIS AIRGEADAIS
DON BHLIAIN DAR CRÍOCH AN 31 NOLLAIG 2018

5 Riarachán, Oibríochtaí agus Cur Chun Cinn

	2018	2017
	€	€
Táillí chomhaltaí an Údaráis ¹	50,873	50,873
Postas agus teileachumarsáid	99,671	88,902
Trealamh oifige agus soláthairtí oifige eile	60,240	29,325
Glantachán agus cothabháil oifigí	10,097	7,184
Solas agus Teas	11,817	12,556
Táillí dlí	164,747	101,332
Margaíocht agus Cur Chun Cinn	64,614	116,659
Táillí Imscrúduithe	142,224	469,184
Táillí bainc agus ceadúnúcháin	34,549	33,593
Foilseacháin agus Tuarascálacha	1,266	1,940
Costais ghinearálta	28,564	17,630
Táillí cuntasaíochta	7,454	9,702
	676,116	938,880

6 Réadmhaoin, Gléasra agus Trealamh

	TF	Trealamh Oifige	Troscán	Iomlán
	€	€	€	€
Costas				
Ag an 1 Eanáir 2018	298,227	2,950	17,624	318,801
Breiseanna	55,289	-	-	55,289
Ag an 31 Nollaig 2018	353,516	2,950	17,624	374,090
Dímheas Carntha				
Ag an 1 Eanáir 2018	76,738	2,950	5,765	85,453
Arna mhuirearú sa bhliain	54,422	-	1,599	56,021
Ag an 31 Nollaig 2018	131,160	2,950	7,364	141,474
Glanluach Leabhar				
Ag an 31 Nollaig 2018	222,356	-	10,260	232,616
Ag an 31 Nollaig 2017	221,490	-	11,859	233,348

¹ Bunaíodh Bord an Údaráis Rialála Seirbhísí Maoine an 3 Aibreán 2012. Tá miondealú ar na táillí a fócadh le comhaltaí aonair den Údarás sa bhliain 2018 ar áireamh sa ráiteas rialachais sna ráitis airgeadais seo.



AN tÚDARÁS RIALÁLA SEIRBHÍSÍ MAOINE

NÓTAÍ LEIS NA RÁITIS AIRGEADAIS DON BHLIAIN DAR CRÍOCH AN 31 NOLLAIG 2018

7 Cuntas Caipitil

	2018	2017
	€	€
Iarmhéid ag an 1 Eanáir	233,348	201,868
Amúchadh de réir dímheasa	(56,021)	(50,782)
Breiseanna	55,289	82,262
	232,616	233,348

8 Fardal

	2018	2017
	€	€
Páipéarachas	14,377	19,055
Fótachóipeáil / TF	1,028	738
Ilghnéitheach	767	356
	16,172	20,149

9 Suimeanna Infhaighte agus Réamhíocaíochtaí

	2018	2017
	€	€
Réamhíocaíochtaí	30,646	27,613
	30,646	27,613

Tá na suimeanna infhaighte go léir dlite bhliain amháin.

10 Suimeanna Iníoctha agus Fabhruithe

	2018	2017
	€	€
Fabhruithe	64,694	63,363
	64,694	63,363

Tá téarmaí na bhfabhruithe bunaithe ar na conarthaí bunúsacha.



11

AN tÚDARÁS RIALÁLA SEIRBHÍSÍ MAOINE

NÓTAÍ LEIS NA RÁITIS AIRGEADAIS DON BHLIAIN DAR CRÍOCH AN 31 NOLLAIG 2018

Tobhach Pinsin

Is ionann na costais tuarastail sa chuntas seo agus na hollchostais don Údarás don tréimhse. Is í an Roinn Dlí agus Cirt agus Comhionannais a íocann tuarastail thar ceann an Údaráis. Déanann an Roinn asbhaintí tobhaigh phinsin, de réir alt 2(3) den Acht um Bearta Airgeadais Éigeandála ar mhaithe le Leas an Phobail 2009 (Uimh. 5 de 2009), agus coinnítear iad mar Leithreasáí i gCabhair don Roinn sin.

12 Áitreabh

Tá ceannoifig an Údaráis lonnaithe i bhFoirgnimh na Mainistreach, Bóthar na Mainistreach, an Uaimh, Co. na Mí, C15 K7PY. Imscrúdaítear gearáin in oifig i gCearnóg an Easpaig, Baile Átha Cliath, D02 TD99. Cuireann Oifig na nOibreacha Poiblí an dá oifig ar fáil saor in aisce.

13 Dliteanais Theagmhasacha

Tá baint ag an Údarás Rialála Seirbhísí Maoine le roinnt cásanna dlí ag deireadh na bliana airgeadais. Níl an tÚdarás in ann tionchar féideartha airgeadais na gcásanna sin a mheas go cruinn.

14 Idirbhearta Páirtí Ghaolmhair/ Nochtadh Leasa

I measc an phríomhphearsanra bainistíochta tá an Príomhoifigeach Feidhmiúcháin agus comhaltaí an Údaráis. B'ionann agus €145,578 (2017: €136,550) an cúiteamh iomlán a íocadh le príomhphearsanra bainistíochta, lenar áiríodh táillí chomhaltaí an Údaráis agus luach saothair iomlán an Phríomhoifigigh Feidhmiúcháin.

Comhlíonann an tÚdarás Rialála Seirbhísí Maoine an Cód Cleachtais do Rialachas Comhlachtaí Stáit arna eisiúint ag an Roinn Airgeadais i dtaca le nochtadh leasa ag comhaltaí agus baill foirne an Údaráis. Tá nósanna imeachta foirmiúla ann chun a chinntiú go gcloítear leis an gceanglas sin de chuid an chóid. Ní raibh aon idirbhearta páirtí ghaolmhair ann sa bhliain 2018.

15 Ceadú na ráiteas airgeadais

Cheadaigh Údarás an Údaráis Rialála Seirbhísí Maoine na cuntais seo an 11 Meán Fómhair 2019.